

L'HEVREUSE  
VICTOIRE

OBTENUE PAR MON-  
SEIGNEUR LE DUC DE LOR-  
raine, sur les Reistres & Lansquenets  
ennemis, qui estoient ja aduancez  
en la plaine de Strasbourg, pour  
venir joindre les troupes  
du Prince de Bearn.



A PARIS,

Chez Nicolas NEVELLE, rue S. Jacques,  
aux deux Colonnes.

Et Rolin THIERRY, rue des Anglois,  
pres la place Maubert.

Libraire & Imprimeur de la sainte Union.

M. D. LXXXIX.

AVEC PRIVILEGE.

## VICTOIRE

OBTENUE PAR MON

S. J. *Extrait du privilege.*

sur les Rois &amp; Landgraves

**P**ar un privilege donne & octroyé, par  
 Meilleurs du Conseil general de la  
 sainte Union des Catholiques: A  
 Nicolas Niuelle, & Rolin Thierry,  
 Libraire & Imprimeur: Il leur est permis d'im-  
 primer tout ce qui peut cōcerner l'Estat public  
 & affaires de la France, & ce qui sera ordonné &  
 procedera d'iceul Conseil. Et sont faictes des-  
 fences à tous autres Libraires & Imprimeurs,  
 de les imprimer ou faire imprimer, ny exposer  
 en vente, sur peine de confiscatiō des exemplai-  
 res, & d'amende extraordinaire, ainsi que plus  
 à plein est contenu par ledict Priuilege. **Donné**  
 à Paris le 18. Avril, 1589.

A. T. Signé,

Chef Nicolas Niuelle, & Rolin Thierry,  
 Libraires & Imprimeurs.

Et Rolin Thierry, Libraire & Imprimeur,  
 par la place de la Bible.

Libraire & Imprimeur de la sainte Union.

M. D. LXXXIX.

Avec Privilege.



## L'HEVREUSE

## VICTOIRE OBTENUE

Par Monseigneur le Duc de Lorraine,  
sur les Reistres & Lansquenets en-  
nemis, qui estoient ja aduancez en la  
plaine de Strasbourg pour venir  
ioindre les troupes du Prince de  
Bearn.

**P**ARDESSUS les dons de  
grace & excellences dont  
Monseigneur le Duc de  
Lorraine est remarqué par-  
ticulierement au rang qu'il  
tient de Prince Catholique & souuerain, le  
zele & seruante affectiō qu'il a tousiours de-  
monstré en la défence & conseruation de  
la Religion Catholique Apostolique &  
Romaine, & au biē & repos de ce Royau-  
me, est le plus singulier & plus affectiō-

né, recognoissant que pour icelle son devoir s'esté d'aussi loing que son pouuoir, & pour celuy-cy, autant que l'alliance & la nourriture qu'il a prins avec nos Roys l'ont estroictement astraint & obligé. C'est pourquoy dès la naissance de ce party, il est franchement entré les yeux fermez à tous perils & hazards qui se pouuoient présenter, y exposant sa personne, celles de Messieurs ses enfans, & son Estat: & s'est rendu vne des principales colonnes de la sainte Vnion. Aussi peu de gens veritez en la cognoissance des affaires ne peuuent (sans malice) ignorer comme depuis quelques années il l'a assisté de ses forces, secouru de ses moyens, appuyé d'une armée entretenue à grands frais, pertes, dommages & incommoditez de ses pays, & enuiron de larmes sous le voile des iniures par luy receues, & de la felonnie commise par le feu Duc de Bouillô, afin de faire couler par deçà du secours aux Catholiques selon les accidents qui leur pourroient suruenir: cômme il a fait aux deux si vigentes occasions: incontinent apres les baricades & le massacre de Messieurs les Cardinal & Duc de Guise ses cousins. Si bien que pour mieux correspondre aux courtes pra-

elques de noz ennemis son Altesse ait cou-  
 uert quelque temps la face de ses desseins,  
 mieux reconneuz de nos ennemis mesmes,  
 que du vulgaire de nostre party, ce faisant  
 pour quelques grandes considerations, &  
 par l'aduis de ceux auxquels seulement il  
 en a deu communiquer, Neantmoins  
 voyant la necessite des Catholiques croi-  
 stre quasi iusques au dernier point par l'a-  
 mas d'une puillante armee qui menaçoit  
 d'une proche ruine & nostre Religion &  
 ce party Catholique, il estima n'y auoir  
 plus lieu de retardement. Ainsi faisant ou-  
 uerte declaratiō de ses intentions au con-  
 seil general del'Vnion des le mois de May  
 dernier par son Agent & Gētils-hommes  
 enuoyez expres a cest effect, il se prepara  
 au secours qu'il eut conduit en personne  
 des lors ou enuoyé promptement, sous la  
 charge de l'un de Messieurs ses enfans,  
 sous l'aduis certain qui luy vint de l'ap-  
 proche de l'armee des Suysses & Lansque-  
 ners ennemis, resolu de passer & ruiner  
 ses pays (premier boulleuert des Catho-  
 liques contre les estrangers) les saccager  
 & piller, puis venir le plus diligemment  
 qu'ils pourroient se ioindre auldiets enne-  
 mis. A quoy il n'estima moins important

de s'opposer pour le bien de ceste cause, que pour la conseruation particuliere de leſdicts pays. Partant il ſy oppoſa de ſorte que leſdicts ennemis en auans aduertissement, furent contraints de prendre leur chemin par des montaignes & lieux inacceſſibles avec vne peine & langueur extreme au grãd retardement de leurs deſſeins, mais comme ils furēt passez par autre coſtē, & n'ayant ſadiſte Alteſſe plus de beſoing de ce pretexte du ſiege de Iamets, il enuoya Monſieur le Marquis ſon fils ainſe pour le depeſtrer du ſiege de ceste place, laquelle il fit battre avec telle furie, qu'il la forca ſix iours apres qu'il ſy fut preſentē, incontinct apres ſon Alteſſe enuoya monſieur Sireigneur ſon fils avec ſon armes pardeçā, tādīs qu'eſtāt à part, il ſ'employa à la reduction de quelques villes & places es prouinces de Champaigne & Baſſigny, & de pluſieurs gentil-hommes tenans le party de l'ennemy, & pour lors aſſiſtē du Capitaine ſainct Pol, il prit Beaulieu & quelques autres forterelles. Mais comme il eſtoit ſur la frontiere pour ceſt effect, & pour executer quelque choſe plus aduantageuſe pour ce party, il eut aduertissement qu'une nouuelle armee de deux mil che-



faux Reistres & six mil Lansquenets ap-  
 prochoit fort la frontiere de les pays, &  
 venoient en faueur du Bearnois, qui leur  
 auoit ja preparé leur escorte sous la con-  
 duite des Sieurs de Longueville, Mare-  
 chal d'Amont, Tinteuille & plusieurs au-  
 tres Seigneurs & Gentils-hômes, lesquels  
 avec bon nombre de eualerie & infanterie  
 estoient ja es enuirons de Langres pour  
 receuoir ces nouueaux estrangers. Coligny  
 donna occasion de rappeler promptement  
 mondit Seigneur le Marquis qui estoit en  
 quelque indisposition à Amyès, & les fon-  
 ces qui s'estoient acheminees à Paris pour le  
 secours de ladite ville avec le corps de l'ar-  
 mee Catholique, mais l'ennemy ptesant &  
 ledictes troupes estant retenues par deça  
 pour certaines considérations, Sadiete Al-  
 teisse assistée du frout de saint Pol & de ce  
 qu'il auoit pour lors de forces en main, se  
 delibera de partir promptement. 2011  
 Donques ayant eu iteratif aduertissement  
 qu'il y auoit ja en la plaine de Strasbours  
 deux mil cheuaux Reistres sous la charge  
 du sieur de Dompmartin, qui deuoit estre  
 tost suivis d'autres deux mil conduits par  
 le Colonel Franc, & six mil Lansquenets  
 qui estoient ja presque tous armez & prests

à marcher soubz la charge de Vivambach  
& Lanty, toutes lesquelles troupes de-  
moient estre conduites par un jeune Prince  
de la maison de Saxe. Son Altesse se ra-  
chemina en diligence à Nancy, y ramena  
ses gens qu'il auoit sur la frontière du Ba-  
rois, là où estât arriué il ramassa promp-  
tement tout ce qu'il peut de forces, avec les-  
quelles il partit le vingt-neufiesme de No-  
uembre dernier, menât avec luy M<sup>seigneur</sup>  
le Comte de Vaudemont son fils puis M<sup>seigneur</sup>  
le Marquis d'Haurach & plusieurs  
autres Seigneurs, tant de ses vassaux qu'au-  
tres. Et sadiete Altesse recognoissant que l'is-  
sue & l'euénement des combats depen-  
dent entierement du vouloir de Dieu, l'hô-  
neur & la gloire duquel estoit le seul mo-  
tif de son vbyage, il passa par le bôuig saint  
Nicolas, où luy & ses gens oyans la Messe  
avec tres-grande reuerence & humilité pré-  
senta ses prieres à Dieu, à ce qu'il luy pleust  
lui faire la grace de le seruir, & exécuter di-  
gnement son entreprise, puis print son che-  
min du costé d'Allemagne, & alla ce iour  
mesme coucher à Blamont. De là il tira à  
Falsbourg, où estât arriué le Samedi dou-  
zième de Decembre, il sceut que ceux de  
Strasbourg



Strasbourg auoient enuoyé de vingt cinq à trente chariots d'armes aux ennemis, & qu'à ceste occasion il estoit tres-necessaire d'user de diligence & les combattre auant qu'ils eussent receu leurs armes & faict monstre: & pour lors le regiment de Lâry estoit ja logé en vn village nommé Wyantrenak à vne lieue & demie au deslous de la ville de Strasbourg, & estoient ja ceux là bien armez & bien equippez.

Le troisieme dudit mois, son Altesse passa la montagne de Saucene vint au giste à Marmoustier, le Lundy à Merle, où luy & Monseigneur son fils firent leurs Pasques, s'armans par ce moyē des armes spirituelles, parce qu'ils furent aduertis que lesdits Laniquenens estoient ioincts avec les Reistres, & qu'ils se preparoient pour combattre, estans logez à ceste fin entre les riuieres du Rhin & d'Ilse qui est vn lieu fort commode pour le combat.

Le Mardy suivant, il alla loger à Vastenhain & en passât pres de Molsey fit reuenir de son armee, laquelle il fit mettre en bataille en vne grande pleine proche de ladicte ville, & se trouua auoir deux mil cheuaux: scanoir, treize cens lances, quatre cens Reistres du Colonel Deltz, & le sus-

plus harquebuziers à cheual, sans la Cornette, sous laquelle se trouuerēt plusieurs honnestes & valeureux Gentils-hommes, quinze cēs hommes de pied de sa nation, & des Sieurs Marquis de Baden, de Talling, Baron de Cirem & Neruaise, & estoit le Regiment dudit Sieur Marquis de Baden composé de douze cens Lansquenets. Le Mercredy sixiesme dudit mois iour & feste monsieur Sainct Nicolas il alla loger à Roffeldt où il passa la riuere d'Ille proche de Benifeldt, bien que les ennemis eussent rompus les ponts qui furent refaits & reparez en diligence.

Le sieur de saint Pol (auquel son Altesse a beaucoup d'assurance tant pour sa valeur, que pour auoir esté nourry en vne docte escolle) auoit la conduite des premieres troupes: & ayant eu commandement de son Altesse de s'aduancer, luy fit scauoir la nuit mesmes qu'il estoit proche de l'ennemy, & que desia il auoit redoit deux cōpagnies de Lansquenets sous l'obeïssance de son Altesse, laquelle aussi tost depecha le sieur de Montreul (non moins valeureux, que pieux gentil-homme) qui estoit Mareschal de cāp de son armee avec cinq cōpagnies de cheuaux legers, & trois

d'arquebuziers à cheual, & luy commanda  
d'aller toute la nuit ioinde leſdictes pre-  
mieres troupes & pourſuiure ce qui eſtoit  
commencé. Ce qu'ayant fait arriua le len-  
demain ſeptieſme dudiect mois iour de S.  
Ambroise au point du iour proche du vil-  
lage de Bottzen, où le Capitaine Schiltz  
eſtoit logé avec vne tresbelle compagnie  
de Lanſquenets ennemis de trois cés tré-  
te trois hommes, qui du commencement  
firent des difficultez: mais voyans les gens  
dudit Montreul en bataille, le Capitaine  
demanda à parler à luy en aſſurance, & en  
fin ſe rendit à ſon Alteſſe, entre les mains  
dudiect Montreul, qui reçut le ſerment de  
luy de ſeruir fidelemēt la diſcte Alteſſe, cō-  
me auſſi de toute la compagnie, laquelle il  
fit ſortir en campagne à ceſte fin.

Ce fait ledit ſieur de Montreul fit aduā-  
cer ſes troupes, & trouua deux enſeignes  
de Lanſquenets qui eſtoient logez au vil-  
lage Marchenheim, leſquelles interpellées  
de ſe rendre & ſeruir ſon Alteſſe, respon-  
dirent qu'ils la ſeruiroient à coup de mouſ-  
quets & de piques, qui occaſionna nos gēs  
de les aſſaillir comme elles firent fort yinc-  
ment, & à l'inſtant raiſſées en piece, & le  
Capitaine nommé Sigmond Fondſelix

tue. Puis soudain ayant entendu par le rapport des courreurs que l'ennemy estoit en bataille à demie lieue de là, ledit sieur de Montreuil alla trouuer ledit sieur de saint Pol, & luy vint son Altesse de pres sesdictes premières troupes marchant en ordre, & dispose du tout au combat avec quelques compagnies de chevaux legers harquebuziers à cheval, & quatre vingts cuyrales de ses gardes. Quant au regimēt de ses Lansquenets il les reserua aussi proche de sa persōne comme aussi celui dudit Baron de Cirin, & compagnies de gens de pied dudit sieur de Montreuil: & par ce qu'en vn village nommé Heidelberg qui estoit sur le chemin, y auoit encore plusieurs cōpagnies de Lansquenets ennemis, il se proposoit de les faire attaquer par les gens de pied & Artillerie qui le suyuoient, toutesfoies estans sommés de sa part par le sieur de saint Baslemon, ils se rendirent à sa misericorde, & luy firent serment entre les mains dudit sieur de saint Baslemon.

Ayant esté en cest equipage tout le iour à cheval iusques à la nuit, il alla loger en vn village nommé Iebshaim, où il fut aduertuy que les ennemis auoient pris logis sur vn passage de la riuiere d'Ille en vn village nommé

me Beitenem distant de trois lieues de  
 Basle & qu'ils auoient resolu de comba-  
 tere le lendemain, & au bit on eu aduis qu'ils  
 s'auoient l'un l'autre promis de ne s'aban-  
 donner & de mourir tous ensemble, &  
 alloient avec eux cinq cōpagnies de Lans-  
 quenets dont la Colonnelle de Lanty en  
 estoit vno.

Les Sieurs de saint Pol & Monstreul  
 s'allèrent loger ce mesme iour au village de  
 Hirsfeldt, distant de celuy où estoient les-  
 dits ennemis d'vne lieue: & comme ils es-  
 peroient de les cōbatre, le lendemain ma-  
 tin, qui fut le huitiesme dudit mois, iour de  
 la Conception nostre Dame ils eurent ad-  
 uis que la nuit, comme ils s'ingeroient de  
 passer la riuieré pour tirer à Môteliard, &  
 de là en Bourgongne, y ayât trois cens d'i-  
 ceux qui auoient ja passé, tout à vn instant,  
 Dieu voulut comme miraculeusemēt, que  
 tous ces gens se foudainement qu'il y en  
 auoit trois cens & plus de noyez, & ceux  
 qui estoient encor par deça ne pouuans  
 passer l'eau prindrent l'effroy, & pour cui-  
 rer le combat titerēt du costé de Basle, où  
 partie d'eux ont repassé le Rhin, autres ont  
 tiré du costé de Geneue, apres auoir aban-  
 donné & perdu leur bagage & charriots.

Les trois cens qui auoient ja passé ladicte  
 riuiere d'Isle, pour suiure les autres qui ti-  
 roient du costé de Basle, furent en partie  
 noyez en repassant icelle. Quant aux cinq  
 compagnies & Lansquenets qu'ils auoient  
 laissé audict Bettenem, elles se rendirent à  
 la miséricorde de son Altesse, qui les a re-  
 ceuz à son seruice, & luy ont presté le ser-  
 ment comme les autres: de sorte que de  
 quatre mil Lansquenets armez, son Altes-  
 se en a receu deux mil & plus à son seruice,  
 le surplus a esté la plus part taillé en piéces,  
 & le reste rompus s'estais sauuez & retirez  
 avecques grand effroy és bois prochains,  
 jettes par les chemins leurs armes que l'on  
 a trouué en grande quantité.


Le lendemain pour son Altesse l'aduance-  
 iusques à Bottènem, & le lendemain à Rive  
 proche de Basle d'une lieue & demie, mais  
 estant aduerty que lesdits ennemis s'e-  
 stoient sauuez & rompus & logez à deux  
 lieues de la Basle entre deux riuieres & que  
 pour aller à eux il falloir passer par vn pont  
 qui estoit despendu à la faueur desdits en-  
 nemis par deux enseignes de Suisses du  
 Canton mesme de Basle, qu'ils gaignoient  
 tousiours chemin pour tirer du costé de  
 Geneue, il aduisa de retirer son armee &



passer ladicte riuiere d'Isle, & s'acheminer  
du costé du Comté de Montbéliard &  
Bourgogne pour leur couper leur chemin,  
sitant est que ce qui restoit en cor assemblée  
voulust prédre le chemin de Montbéliard,  
pour tirer en France. Depuis son arriuee  
en ladicte plaine furent encorés veuz trois  
cens cheuaux Reistres és enuirs de Stras-  
bourg, qui s'aduançoient pour venir trou-  
uer les autres, mais ils se sont retirez de  
l'autre costé du Rhin & rompus. Quel coup

Ainsi a esté pour ce coup rompuë, rui-  
nee & vaincuë ceste armee ennemie, sans  
que son Altesse y ait perdu que deux ou  
trois de ses gés, encor simples soldats. Ce  
qu'elle recongnoist prouenir de la seule  
main de Dieu qui s'est voulu aider de luy  
comme d'un instrument de sa Justice pour  
vanger les iniures & opprobres que font à  
son Eglise les heretiques ennemis coniu-  
rez d'icelle: Que si les choses eussent esté  
tirées en plus grande loqueur, la vérité est  
telle, que le Colonel Franc & Vambach  
s'aduançoient avec autres troupes pour  
faire & cōposer en ladicte plaine d'Auslay,  
cōme de long-téps ils auoient proiecté vn  
corps d'armee de quatre mil cheuaux Rei-  
stres & six mil Lansquenets, au deuant des-

quels s'acheminoit du costé de la France  
 le Marechal d'Aumont, qui eut apporté  
 vn merueilleux estonnement aux Catho-  
 liques de ce Royaume & aduantage au  
 Bearnois, qui à ce moyé se fust rendu avec  
 telles & si puissantes forces maistre de la  
 campagne, & si Dieu n'y eust pourueu pos-  
 sesseur de l'Estat : mais il a plu à sa diuine  
 maiesté de dissiper leurs cōseils, entreprises  
 & pernicious desseins, & est à remarquer  
 que le premier exploit de ceste bonne for-  
 tune est arriué le iour saint Nicolas patrō  
 du pays, le second le iour de saint Ambroi-  
 se l'un des pilliers de nostre foy, & le troi-  
 siesme le iour de la Conception nostre  
 dame qui est la mere vniuerselle de l'Eglise,  
 les prieres de laquelle & de ces deux cele-  
 bres saints ont sans doute esté exaucées  
 pour l'accomplissement d'un si bel effect  
 qui tend à la gloire & honneur de Dieu &  
 conseruation de nostre Religion Catholi-  
 que Apostolique & Romaine, dont il luy  
 faut rendre graces immortelles.



F I N.